



## Grupo Rímiko: O'Nimá

Brenton "Capitain" Balentien / Royston Hato

Royston Hato

# Den nòmber di Kultura, Músika i Seú

Sherman "Chemz" Franciska

### **Koro: Den nòmber di Kultura, Músika i Seú**

E aña aki nos ta sali kaya, ku orguyo den nos pechu

### **Koro: Den nòmber di Kultura, Músika i Seú**

Djies konfiá mi bos i siguí mi pasonan

### **Koro: Den nòmber di kultura, Músika i Seú**

Kultura ta nos rais, e fundeshi di nos tera

Ta e sanger ku ta kore, den nos kurason i bena

E ta duna nos balentia, pa karga nos tradishon

Ku maske bientu supla fuerte, nos no ta pèrdè noshon

Pasó nos sa ku...

pesei balora herensia,

**Koro: awa di ayera no ta muha paña di awe**

**Koro: p'e historia no bai perdí**

Músika t'e zonido di nos bida

kita tur tristesa di dia,

**Koro: i e ta kura nos dolór**

Ora sla di barí ta zona i sangernan ta keinta

bari ku chapí a traha Huntu, pa uni un pueblo

pa selebra triunfo di e kosecha di seú

**No tene miedu ban traha ku fe,**

Aunke Sekura a Bati na nos porta

para firme i kere den Bo mes

tene pasenshi i Nunka entrega

**Koro: Ku Fe i trabou nos por logré**

**Koro: Ku Fe i trabou nos por logré**

**Koro: Ku Fe i trabou nos por logré**

K'un solo Dede un por kita katuna,

**Koro: Ban tur huntu pa nos logré**



Mi pueblo Siguimi, ban mi tras

**Koro: Mi pueblo sigui mi, wapa ban mi tras**  
kere sin Mira, esei ta fe

**Koro: Mi pueblo sigui mi, wapa ban mi tras**  
Sin ta'we ta mañan, nos t'ey logré

**Koro: Mi pueblo sigui mi, wapa ban mi tras**  
Ban proklamá pa un Makutu bon kargá

eh hee

Wapa ban mi tras

Den nomber di kultura, musika i seu

mi pueblo konfia e proseso

kere den Bo mes

hinka rudia so no ta suficiente

mester hasi sakrifisio

ban ban,ban wapa Kumi ban

ban ban ban,ban wapa kumi ban

ban gradisi Dios tata

pa loke ela manda

makutu nan ta yen

bin Djodjo den bembé

Hesus nos ta bendishoná,

despues di sekura a bini yobida

koro: nos ta bendishoná

despues di yobida a bini kosecha

koro: nos ta bendishoná

Ata mi pueblo,

Tata danki pe fabornan risibi

Nos no tin boka pa kab'i gradisi

He koncha kumi

Kana kumi

Hee boncha ban

**koro: wapa ban mi tras**

**Koro: Ata nos den legria dje viktoría**

**Koro: den viktoría**

**Koro: den viktoría**

**Koro: den viktoría**

**Koro: den viktoría**



Pesei mi pueblo, no ban tene miedu

hoo sigui mi  
Korsou den su mihó  
Den nòmber di kultura  
esta' un dulsura  
seú pa mundu henter  
mi pueblo ban bibé

**koro: wapa ban mi tras**  
**koro: wapa ban mi tras**  
**koro: wapa ban mi tras**  
**koro: wapa ban mi tras**  
**koro: wapa ban mi tras**  
**koro: wapa ban mi tras**



**Dichonan i nan nifikashon den e letra aki:**

1. **"Awa di ayera no ta muha paña di awe"**: Pa laga e difikultatnan di e aña tras di lomba i focus riba e selebrashon di awor.
2. **"Un solo dede no ta kita katuna"**: Pa enfatisá ku nos mester di union (tur hende huntu) pa e marcha i e kosecha triunfá.
3. **"Machete no ta kòrtá maishi, ta e man ku ta manehá"**: Un proverbio masha profundo ku ta nifiká ku e hèrmènt (òf e situashon) no ta nada si e persona no tin e boluntat i e forsa pa traha.